

Գ. Հ. Գրիգորյան

ՀՈՎՀԱՆՆԵՍ ԵՐՁՆԿԱՑՈՒ ԻՍԱՑԱԲԱՆԱԿԱՆ ՀԱՅԱՑՔՆԵՐԸ

Հովհաննես Պլուզ Երզնկացին (13-րդ դ. 30—90-ական թվականներ) միջնադարյան Հայաստանի փիլիսոփայական-հասարակական մտքի ականավոր դեմքերից մեկն է։ Նրա գրչին են պատկանում 60-ից ավելի արձակ գործեր, 22 բանաստեղծություն, չափածո գրված մի բնագիտական-տիեզերագիտական տրակտատ և մոտ 60 քառյակներ¹։ Այդ աշխատանքները վկայում են, որ նա հրաշալի տիրապետել է հայ ժողովրդի անցյալի մշակույթին, գիտակ է եղել անտիկ աշխարհի և Արևելքի մի շարք ժողովուրդների գիտական մտքի նվաճումներին։ Նա իր աշխատությունների մեջ արժարժել է իր ժամանակի գիտության շատ բնագավառների խնդիրներ՝ դրսևորելով իրեն որպես լայն մտահորիզոնի տեր մի մտածող։

Հովհաննես Երզնկացին իր ժամանակի Հայաստանի բնագիտական-փիլիսոփայական մտքի լավագույն կրողներից մեկն էր և որպես այդպիսին մեծ հեղինակություն ու վստահություն էր վայելում ժամանակակիցների շրջանում։ Նա ունի մի շարք աշխատություններ լիովին նվիրված բնագիտության հարցերին։ Հատկապես բնագիտական-տիեզերագիտական խնդիրներում նա հայ մեծանուն գիտնական Անանիա Շիրակացու հետևորդն էր և, շարունակելով ու խորացնելով վերջինիս ըմբռնումները, դրանք պրոպագանդել է իր բազմաթիվ աշխատություններում։

Միջնադարյան մեր մտածողի աշխարհայացքը թեև իր հիմքում իդեալիստական էր, թեև բնության սկզբնավորման հարցը նա ընդհանուր առմամբ լուծում էր կրոնա-իդեալիստական ոգով ու շատ այլ խնդիրներում տուրք էր տալիս կրոնական մտայնությանը, բայց և այնպես նրա բնափիլիսոփայական հայացքները հագեցված են մատերիալիստական մի շարք դրույթներով։

Ի հակակշիռ բնության երևույթների կրոնա-միստիկական մեկնաբանման, նա առաջադրում էր բնության երևույթների փոխադարձ կապերից ու օրինաչափություններից բխող բացատրությունները նրա ըմբռնումները տարրերի, բնության երևույթների բազմազանության առաջացման, նյութի պահպանման և մի շարք այլ հարցերի մասին, արժանի են ուշադրության ու բարձր գնահատականի Երզնկացու բնափիլիսոփայությունը հարուստ է դատողություններով, որոնք այսօր ճանաչողական մեծ արժեք են ներկայացնում և ցույց են տալիս։

¹ Երզնկացու գործերի մեծագույն մասը դեռևս գտնվում է ձևազիր վիճակում։ Առ այսօր հրատարակված են «Ստեղծագույն երկնային շարժման», «Բազազս երկնային զարգուց» (տես «Տնտեսական համառոտ և լի իմաստնախորհրանիւր, Նոր-Նախիճեան, 1792») և «Ի տանկաց իմաստասիրաց գրոց բազեայ բանը» (տես «Բաների Մատենագարանի», հատ. Գ, 1938) գործերը և Երզնկացու բանաստեղծություններն ու քառյակները (տես Ա. Սրբաջան, Հովհաննես Երզնկացի, 1938)։ Սրբաջանի հրատարակությունը ունի Երզնկացու կյանքին ու գործունեությանը նվիրված բնագրական առաջաբան։

թև ինչպես էր գիտական միտքը աստիճանաբար ազատագրվում կրոնական միստիկայի ճիրաններից ու ճանապարհ հարթում դեպի լույս:

Հովհաննես Երզնկացու աշխարհայացքի բաղկացուցիչ մասերը լինում են մեկը մյուսից և լրացնում են իրար: Այս հանգամանքի շնորհիվ Պրա հայացքների առանձին հարցերը հասկանալու համար անհրաժեշտ է արտացոլել զրանց շեղ սերտորեն առնչվող խնդիրներ: Մասնավորապես այդ վերաբերում է Երզնկացու իմացաբանությանը, որն ամենասերտ կերպով կապվում է մարդու հոգու և մարմնի մասին նրա բմբռնումների հետ: Երզնկացու հոգեբանական հայացքների մեջ հոգու և մարմնի փոխադարձ կապի ու փոխազդեցության մասին մտքերը հիմք են ծառայում նրա սենսուալիստական իմացաբանության համար, որը հանդիսանում է նրա փիլիսոփայության առաջավոր կողմը:

Մարդը, ըստ Երզնկացու, հոգու և մարմնի միասնություն է: Դրանցից առաջինը աննյութ, անմարմին է, իսկ մյուսը՝ նյութական է, այսինքն՝ նրանք տարրեր են իրենց էությունում: Սակայն, շնայած զրան, հոգին և մարմինը կապված են իրար հետ, որոշ առումով պայմանավորում են իրար: Հոգու և մարմնի կապվածությունը, ըստ Երզնկացու, «յուրովս ունի մտաւոր տեսութիւնն», որոնք խմբավորվում ու կենտրոնանում են հիմնականում այն հարցի շուրջը, որ մարդ կարողանա ճանաչել ու իմանալ աշխարհը, ինքն իրեն և իշխել նյութական աշխարհի վրա²:

Հոգին և մարմինը երկու տարրեր սկզբունքներ են, որի պատճառով միավորվելիս նրանք մնում են «անշփոթ»: Հոգու և մարմնի միավորումը Երզնկացին նմանեցնում է հրի և երկաթի միացման հետ: Հուրը և երկաթը միավորվելիս, ասում է Երզնկացին, ոչ թե փոխարկվում են մեկը մյուսի, այլ հուրը իր որակական բնորոշ հատկանիշը «փոխատրարար» տալիս է երկաթին և վերջինըս, վերցնելով այն, կրելով իր վրա հրի որակական հատկանիշի ներգործությունը, իր «ցրտություն և սեռության» հատկանիշները փոխարկում է «լուսափայլ և ջերմ» հատկանիշներով: Տվյալ միավորության պրոցեսում, հուրը, սակայն, «փոխատրարար» չի վերցնում երկաթի որակությունը՝ կորցնելով իրենը: Այս պատճառով, շարունակում է Երզնկացին, ասում են «զերկաթն հրացեալ, այլ ոչ անդրադարձի տսել՝ զհուրն երկաթացեալ»³:

Մի այլ առիթով, կրկին անդրադառնալով հոգու և մարմնի միավորության հարցին, Երզնկացին բացահայտում է այդ պրոցեսի մի այլ կողմը: Այս անգամ նա հոգու և մարմնի միավորումը նմանեցնում է արեգակի լույսի և օդի միավորման հետ: Ինչպես արեգակը, միավորվելով օդի հետ, օդը լույսի է փոխարկում՝ ինքը այսուամենայնիվ չխառնվելով օդի հետ, այնպես էլ հոգին միավորվում է մարմնի հետ, բայց մնում է անխառն: «Որպէս արեգակն զօդս լույս փոխարկէ մերձաւորութեամբն և միաւորի անշփոթարար համանգամայն, ըստ նմին յեղանակի և անձն (հոգին — Դ. Ե.) միաւորեալ ընդ մարմնոյ մնա ամենայն իրօք անշփոթ»⁴, — գրում է Երզնկացին: Կատարելով այս անալոգիան, սակայն, Երզնկացին տարբերություն է տեսնում այս երկու երևույթների միջև: Այդ տարբերությունը նրանում է, ասում է նա, որ արեգակն ունի որոշակի

² Տե՛ս նորին Յոհաննէսի վասն ննջնցելոց ի Քրիստոսի և խորհուրդ ստեղծման մարդոյն և մահու, Մատենադարան, ձեռ. 2173, էջ 323ա—324ա:

³ Յոհաննէս վարդապետի Եղնկայեցոյ ի բան մարդարէին Դաւթի... Մատենադարան, ձեռ. 2173, էջ 130ա:

⁴ Նույն տեղում, էջ 107բ:

տեղ «մարմին գոլով՝ ընդ տեղաւ պարաղրեալ» և երբ նրա լույսը միախառնու-
վում է օդի հետ, այսուամենայնիվ, նա իր տեղը չի փոխում: Մինչդեռ այդ
նույնը տեղի չի ունենում հողու հետ: Հողին «անմարմին գոլով և ոչ պարա-
ղրեալ ընդ տեղաւ» անմարմին լինելով, չունի որոշակի տեղ. նա տարածական
չէ և, դրա հետևանքով, մարմնի մեջ գտնվելով, արտահայտվում է ամենուրեք՝
չունենալով իր սեփական տեղը⁵: Այսպես ուրեմն, հողին մարմնի մեջ չունի
առանձին բնակատեղի. նա ամբողջ մարմնի մեջ է:

Ի այս ինչպևս է Երզնկացին ֆիզիոլոգորեն պատկերացնում հողու և
մարմնի միասնությունը: Այս հարցի պատասխանը ևս մենք գտնում ենք նրա
աշխատությունների մեջ: Նրա պատկերացմամբ մարդու մարմինը «ի շորից
գոյութեանց հաստատեցաւ՝ ի հրոյ և յաւոյ, ի ջրոյ և ի հողոյ»⁶: Այս շորս
տարրերի միավորումը մարմնի մեջ առաջացնում է կենդանի օրգանիզմին՝ ա-
տուկ բաղադրություններ, որոնցից արյան հետ, շնչի՝ օդի միջոցով կապվում է
հողին: «Հողին, — գրում է Երզնկացին, — Երբազոյն շնչովն կապեալ ընդ արեանն
և արեամբն ընդ բոլոր մարմնոյն»⁷: Մի այլ աշխատության մեջ, ավելի հանգա-
մանորեն շարադրելով սույն միտքը, նա գրում է. «Արիւնն անօսրագոյն, քան
զմարմին և թանձրագոյն քան շունչ ... իսկ շունչն՝ անօսր, քան զարիւն և թանձ-
րագոյն, քան զհողի՝ յինքեան միաւորեալ ունի զանմարմին հողի և հողի՝ զմիտս.
որ է առաւել անմարմնական և անօսր, քան զհողի: Եւ այսպիսի եղանակաւ
միաւորեալ հողի և անշիոթ մնացեալ»⁸: Այստեղից հետևում է, որ հոգուց
ավելի նրբագոյն է միտքը, որ գտնվում է հողու մեջ:

Մարմնի մեջ գտնվող հողին Երզնկացին նմանեցնում է վանդակում փակ-
ված աղավնու: Հողին սերտորեն կապված է մարմնի, նյութի հետ: Նա կամովին
թողնել, լքել մարմինը չի կարող: Քանի դեռ մարմինը առողջ է, իսկ նրա առող-
ջությունը կախված է միայն ու միմիայն տարրերի հավասարակշռված վիճա-
կից, ապա հողին մնում է ու ապրում մարմնի մեջ: Նա թողնում է, բաժանվում
է մարմնից միայն այն ժամանակ ու այն դեպքում, երբ մարմինը արագ կերպով
սկսում է քայքայվել և վերջապես նրա մեջ զազարում են կենսական պրոցեսնե-
րը: Հողին ինքը չի կարող մարմնից հեռանալու համար մեռնել այն: «Ք քա-
կել ի միմեանց շորից տարերցս՝ որպէս և տան քաջապինդ որմոց՝ ելանէ արգե-
լեալ աղաճին: Այսպէս ի բաժանել շորից զոյուրեանցս՝ նոյնպէս ելանէ հողին
և մարմնոյն»⁹, — գրում է նա:

Հանգամանորեն խոսելով կյանքի և մահվան մասին, Երզնկացին հետև-
վողականորեն այն միտքն է զարգացնում, թե կյանքի հիմնական նախապայ-
մանը օրգանիզմի կողմից ընդունած սննդի նորմալ յուրացումն է, այսինքն՝
նյութափոխանակությունը: Երբ խափանվում, որևէ ձևով ընդհատվում ու դա-
դարում է այս սլոցները, ապա վրա է հասնում մահը¹⁰:

⁵ Թո՛ւաննէս վարդապետի Երզնկայեցոյ ի բան մարգարէին Դա.թի... Մատենա-
դարան, ձեռ. 2173, էջ 107ր:

⁶ Նորին Թո՛ւաննէսի վասն ննջեցելոց ի Քրիստոսի խորհուրդ ստեղծման մարդոյն և
սուտու, Մատենադարան, ձեռ. 2173, էջ 328բ:

⁷ Նույն տեղում, էջ 329ա:

⁸ Թո՛ւաննէս վարդապետի Երզնկայեցոյ ի բան մարգարէին Դա.թի. Մատենադա-
րան, ձեռ. 2173, էջ 108ր:

⁹ Նորին Թո՛ւաննէսի վասն ննջեցելոց ի Քրիստոսի և խորհուրդ ստեղծման մարդոյն
և սուտու, Մատենադարան, ձեռ. 2173, էջ 329ա:

¹⁰ Նույն տեղում, էջ 321ր:

Մարմնի մեջ ներփակված հոգին, ըստ Երզնկացու, անկախ չէ մարմնից: Միավորված լինելով մարմնի հետ, նա կրում է մարմնի ազդեցությունը: Եթե մարմինը անառողջ է, թույլ է, ապա հոգին ևս ապրում է համապատասխան վիճակ: Փոխադարձորեն մարմինը ևս ենթարկվում է հոգու հետ տեղի ունեցող վիճակին: Այս մասին Երզնկացին գրում է. «Եւ զի միաւորեալ է՝ տայ զկեանս և ընդունի յախտիցն, քանզի ախտակից լինի հոգի մարմնոյ և մարմին հոգոյ, զի ի հիւանդանալ մարմնոյ և կամ հատանիլ և կամ պատահիլ վատախառնութեան՝ կրակից լինի անմարմին հոգի և ոչ մնայ անեղլի»¹¹: «Մարմին,—չարունակում է Երզնկացին,—ախտակից և կրակից լեալ հոգոյն, քանզի երկնչելով ումեք ղեղնանայ և ի պատկառելն շառագունել»¹²: Այս պատճառով՝ մարդու մարմինը մի տեսակ հայելի է անմարմին հոգու համար. «Եւ է արտաքին մարդս մեր տեսանելի ցուցական հայելի անմարմին կերպարանաց հոգոյն»¹³:

Չորս տարբեր, որոնցից, ըստ Երզնկացու, բաղկացած են բոլոր մարմինները, «արինաւոր կենդանեացս մէջ համապատասխանորեն վերափոխվում են «արեան, մաղասոյ, խարտէշ մաղձոյ և սեւույ»: Ըստ որում «նմանեցուցանէ երկրի՝ սեւա մաղձն, ջրոյ՝ զմաղասն, օդոյ՝ զարիւնն և հրոյ՝ զխարտէշ մաղձն»¹⁴: Երբ սրանցից որեւէ մեկը մարմնում ավելի է լինում կամ պակաս, ապա դա անդրադառնում է հոգու վիճակի վրա, օրինակ «խաւտեալ մաղձն ջերմ և սրտմտոտ առնէ, բայց և արի, մաղասոյ յաւելուած վատասիրտ և խոյլ առնի և վավաշոտ: Սև մաղձոյ՝ ծոյլ և հեղզ, նաև ի շարն, ևս դժուարաշարժութիւն օդոյն յաւելուածոյ դոյ ծանծաղախել բայց և պարզամիտ»¹⁵.—գրում է Երզնկացին: Այս մտքից հետևում է նաև այն, որ հոգու բանական ունակության տարբերությունը մարդկանց մոտ, ըստ Երզնկացու, նույնպես կապվում է մարմնում օդ տարրի առավել կամ պակաս առկայության փաստի հետ:

Հոգու և մարմնի կապի և փոխազդեցության մասին Երզնկացու այս մտքերը, որոնք իրենց սկիզբն են առնում դեռևս անտիկ մտածողներից՝ էմպեդոկլից և Հիպոկրատից, վկայում են այն մասին, որ ըստ նրա հոգու նկատմամբ մարմինը սոսկ պասիվ, ինքրտ մի բան չէ, որին հոգին իր ուզածի պես, ցանկացած ձևով կարողանա ղեկավարել: Մարմինն ունի իր օրինաչափությունները, որոնց ենթակա է հոգին:

Հոգին կապված լինելով մարմնի հետ, նրա միջոցով կարողանում է զգայել բնության առարկաներն ու երևույթները, ստանալ տպավորություններ արտաքին աշխարհից և ճանաչել դրանք: Եթե հոգին կապված չլիներ մարմնի հետ, շատանար արտաքին աշխարհից զգայական տպավորություններ, ապա, ըստ Երզնկացու, մարդ ի վիճակի չէր լինի իմանալ շրջապատը և զաղափար կազմել նրա առարկաների ու երևույթների մասին: Ի՞նչպես տեսնում ենք, հոգու և

¹¹ Յոհաննէս վարդապետի Եղնկայեցոյ ի բան մարդարէին Դաւթի սրանչելի եղև դիտութիւն բո յիս, Մատենադարան, ձեռ. 2173, էջ 108:

¹² Նույն տեղում, էջ 109ա:

¹³ Նորին Յոհաննէս Եղնկայեցոյ ի ՄԲ սաղմոսն, Մատենադարան, ձեռ. 2173, էջ 179բ:

¹⁴ Նորին Յոհաննէս Եղնկայեցոյ ի ՄԲ սաղմոսն, Մատենադարան, ձեռ. 2173, էջ 179ա:

¹⁵ Յոհաննէս վարդապետի Եղնկայեցոյ ի բան մարդարէին Դաւթի, Մատենադարան, ձեռ. 2173, էջ 109ա: Տես նաև՝ Նորին Յոհաննէս Եղնկայեցոյ ի ՄԲ սաղմոսն, նույն տեղում, էջ 182բ:

մարմնի կապի մասին Երզնկացու ուսմունքը նրա իմացարանական հայացքների հիմքն է:

Երզնկացին, հետևելով Արիստոտելին, գտնում է, որ մարդու հոգին ունի երեք մաս, եռամասնյա է Առաջին՝ բուսական, որին հատուկ են «աճեցական և կերակրական» հատկանիշները. երկրորդ՝ կենդանական, որին հատուկ են «ոչ միայն կերակրիչն և աճելն, այլև զգայական գործն և զընդունելութիւնն ունի». երրորդ՝ բանական, «որ ի մարդկային բնութեանս տեսեալ լինի՝ կերակրելով և զգալով և բանի հասեալ»¹⁶:

Ահա, շնորհիվ իր այս երրորդ՝ բանական մասի, հոգին կարողանում է ճանաչել աշխարհը: Ընդհանրությունը, ըստ Երզնկացու, հոգին իրականացնում է մտքի միջոցով, որը հանդես է գալիս, դրսևորվում է որպես հոգու ֆունկցիա: «Միտքն, — գրում է նա, — ի հոգոջ երևի և բանաւորութիւնն ի մտաց, զի նորա է սա գործ»¹⁷: Նա դեմ է որոշ փիլիսոփաների (դժվար է ասել, թե ո՞ւմ նկատի ունի Երզնկացին) այն կարծիքին, թե հոգին և միտքը տարբեր «այլ», առանձին էություններ են, և միտքը չի հանդիսանում հոգու դրսևորման ձև. նրա ֆունկցիան: «Ոմանք յիմաստնոց ասացին յերից հաստիլ զմարմին՝ ի մարմնոյ, և ի հոգոյ, և ի մտաց, այլ ասելով զհոգի և այլ զմիտս: Ի այց ոմանք ոչ որոշեցին ի հոգոյ զմիտս, այլ նորին էութեանն իշխանական գոլ զիմացականն համարին, այսինքն՝ զմիտս»¹⁸: Ինչպես ցույց է տալիս վերևում բերված միտքը, այս երկու տեսակետներից ինքը Երզնկացին ընդունում է վերջինը:

Ըստ Հովհաննէս Պլուզ Երզնկացու, ամբողջ գոյություն ունեցողը ճանաչողություն, իմացություն տեսանկյունից բաժանվում է երեք «աշխարհների». բնագավառների. առաջին՝ «իմանալի աշխարհ», երկրորդ՝ «զգալի աշխարհ», երրորդ՝ «զգալի և իմանալի աշխարհ»: Ըստ որում «Աստուած՝ իմանալի աշխարհ, աշխարհ՝ զգալի աշխարհ, մարդ՝ զգալի և իմանալի աշխարհ»¹⁹:

Նլնելով այսպիսի բաժանումից, Երզնկացին դրան համապատասխան մարդկային գիտելիքները բաժանում է երեք տեսակների: «Նմին իրի, — գրում է նա, — և երեք են տեսակ բանական իմաստութեանս, որ ի տեսականէ անտի բաժանին՝ բնարանականն, ուսումնական և աստուածարանական»²⁰, Գիտելիքների այս երեք տեսակներից յուրաքանչյուրը, համաձայն Երզնկացու, տարբեր կերպ է ձևոք բերվում և ունի իր առանձնահատկությունները, որոնք սերտորեն կապվում են քննության, իմացության ենթակա առարկայի, օբյեկտի առանձնահատկությունների հետ և բխում են դրանցից:

Գիտելիքների մի տեսակը՝ «աստուածարանականն», որի օբյեկտը, ասում է Երզնկացին, «լուսն ենթակայութեամբ և մակամտածութեամբ (այսինքն՝ իր գոյությունամբ և մտածողության համար—Գ. Գ.) աննիթ գոլոյն, որպէս և աստուած և հրեշտակը և որ ինչ յաղագս իմանալի աշխարհին»²¹, ձևոք է բերվում

¹⁶ Բովհաննէս վարդապետի Երզնկայեցոյ ի բան մարդարէին Գաւթի. Մատենագարան, ձեռ. 2173, էջ 107ա:

¹⁷ Նույն տեղում, էջ 105ա:

¹⁸ Նորին Բովհաննէսի վասն ննջեցելոց ի Քրիստոսի և խորհուրդ ստեղծման մարդոյն և սահու. Մատենագարան. ձեռ. 2173, էջ 321բ:

¹⁹ Բովհաննէս վարդապետի Երզնկայեցոյ ի բան մարդարէին Գաւթի. Մատենագարան, ձեռ. 2173, էջ 103բ:

²⁰ Նույն տեղում:

²¹ Նույն տեղում, էջ 104ա:

սոսկ մտածությամբ: Այստեղ զգայարանները որևէ դեր չեն խաղում: Իմացության պրոցեսը տեղի է ունենում առանց զգայարանների միջամտության:

Հաջորդ՝ «ընթանական իմաստություն» առարկան, «զգալի աշխարհ» է, այսինքն՝ բնությունն է, նրա առարկաներն ու երևույթները: Որովհետև զգալի աշխարհի բոլոր մասերը «ենթակայությունամբ և մակամտածությունամբ նիւթաւորք գոն», ապա այն ճանաչվում է զգայարանների միջոցով: «Վասն նիւթական գոյոյն՝ ընդ զգայությունամբ զգայարանաց անգանին»²².—զրում է Երզնկացին: Այն զգալի աշխարհ է կոչվում «Վասն զի ընդ զգայարանս մեր զգայական ազդումն և զօրութիւն տալոյն»²³: Արտաքին աշխարհի զգայարանների վրա ազդելու և ստացված զգայությունները մեր գիտակցությանը, մտքին հասնելու շնորհիվ («ամենայն գունոց և որակութեանց գեղեցկափայլութիւնք և ձայնից նուագարանաց և բազմատեսակ կենդանեաց և անկենդանեաց ի ձեռն սղոյղ բացագանչութեան, հօտոց և համոց և շօշափական նիւթոց իբր ընդ դրունս քաղաքի յընդարձակութիւն մտաց մերոց մտանեն»²⁴), մարդ կարողանում է ճանաչել, գիտելիքներ ձեռք բերել աշխարհի մասին:

Գիտելիքների երրորդ տեսակը՝ «ուսումնական» է, մաթեմատիկան: Վերջինիս առարկան հանդիսանում է ինչպես բնությունը, այնպես էլ աննյութ, իմանալի աշխարհը: Այս տեսակետից, ասում է Երզնկացին, այն նմանվում է մարդուն, որ է զգալի և իմանալի աշխարհ», այս երկուսի «միավորութիւնը»: Մաթեմատիկական գիտելիքների մեջ զուգորդվում են բնարանականի և աստվածաբանականի յուրահատկությունները, որովհետև նրա առարկան «նիւթաւոր է որպէս բնարանականն և աննիւթ որպէս աստուածաբանականն»²⁵: Այսպիսով, մաթեմատիկան, ըստ Երզնկացու, ունի կոնկրետ առարկայական բնույթ, ինչպես բնական գիտելիքները և անառարկայական, ինչպես աստվածաբանականը:

Իմացության բնագավառների ու տեսակների մասին այս դատողություններում զրականն այն է, որ այստեղ, անխուսափելի իղևալիզմի և կրոնական մտածելակերպի կողքին, զրսևորվում է «բնարանական իմաստություն» մասին Երզնկացու սենսուալիստական-մատերիալիստական գաղափարների առույգ շիթը, որը, ինչպես քիչ հետո կտեսնենք, հետևողականորեն պաշտպանվելով ու զարգացվելով, նրա մոտ գերաճում է մինչև մի ամբողջական իմացության տեսություն:

Հովհաննես Երզնկացին գտնում է, որ իմացության համար պետք են չորս «բնականորեն» անհրաժեշտ պայմանները: Դրանք են՝ «զգալի և զգայարան, զգայութիւն և զգալն»²⁶: Հենց ինքն էլ «միով տարացուցական օրինակաւ» անմիջապես բացատրում է իր միտքը. «Արդ.—զրում է նա,—կացցէ առաջի տախտակ, յորում զրեալ են գիծք գրաւորական տառից, և կոչի այն զզգալի, և ակն, որով տեսանէ մանուկն և ընթեռնու ասի զգայարան, իսկ մտավորական

²² Նույն տեղում:

²³ Նույն տեղում, էջ 103ր:

²⁴ Նույն տեղում:

²⁵ Նույն տեղում, էջ 104ա:

²⁶ Նորին Յոհաննէս վարդապետ Երզնկացոյ ի տօնի ձննդեան և մկրտութեան Քրիստոսի. Մատենադարան, ձեռ. 2173, էջ 70ր:

զօրութիւն, որ ներդրած է գտեսութիւնն յակն՝ անուանի զգայութիւն. իսկ կիրքն, զոր կրէ յանձն՝ է զղալ»²⁷, Այսպիսով, բացա՛յայտելով Երզնկացու այս մտքի բովանդակութիւնը. պետք է ասել, որ բոտ նրա, իմացութեան պրոցեսը նախ և առաջ պահանջում է օրչեկտի և սուրչեկտի գոյութիւնն և պայմանավորված է նրանց փոխհարաբերութեամբ: Եթէ այդ երկու գլխավոր մոմենտներից որեէ մեկը բացակայի, ապա իմացութիւն լինել չի կարող:

Բնութեան առարկաների, երևույթների մասին մարդու գիտելիքների հիմքը զգայարաններն են, առանց որոնց չի կարելի բնութեան մասին որեէ պատկերացում ունենալ: Զգայարանները հինգն են. «առաջին՝ աչք, երկրորդ՝ ականջք, երրորդ՝ ճաշակելիք, որ է բերանն, չորրորդ՝ հոտոտելիք և հինգերորդ՝ շօշափելիք, որ է ձեռն»²⁸: Մարդ «թէպէտ ունի զլուսատեսիլ միտսն որպէս ճրագ ի մարմնի»²⁹, բայց և այնպէս արտաքին աշխարհի մասին գիտելիքներ ունենալ չի կարող, եթէ պատահի, որ բոլոր զգայարանները վնասվեն: «Ձոր օրինակ աստեղք.— շարունակում է իր միտքը Երզնկացին,— ի մթին գիշերի ոչ կարեն լոյս ծագել յորժամ ամբք թանձրութեան և խաւարին մէզ ծածկէ զօգս, այսպէս և իմանալի միտք ոչ կարեն լոյս ծագել, յորժամ ախտք խաւարին ծածկեն զգայարանս մեր»³⁰:

Այս դատողութիւնը, որն իր սուր ծայրով ուղղված է բնածին գաղափարների մասին ուսմունքի դեմ, հանդիսանում է Երզնկացու սենսուալիստական իմացարանութեան հիմնարարը: Ընդհանրապէս աղբյուրը զգայարաններն են: Բոտ նրա, բացառապէս աստժո, աննյութական աշխարհի մասին գիտելիքների, արտաքին աշխարհի մասին մեր գիտակցութեան մեջ եղած բմբոսումները, պատկերացումները արդյունք են զգայարանների տվյալների:

Երզնկացին մի շարք անգամներ հետևողականորեն զարգացնում է այն միտքը, թէ մարդը ծնվելով, իր հետ ոչ մի բնածին գաղափար չի բերում: Մարդու միտքը, ասում է նա, նման է խոպան հողի, որի վրա զգոր ինչ սերման են զայն ստղարերէ»³¹: «Տղայի միտքն որպէս յստակ հալելի է.— մի այլ տեղ գրում է Երզնկացին,— մի թողութ անխրատ, որ մեղաց ժանգն շնտի ի վերայ և ապականէ: Տղային միտքն որպէս կակուղ մում է. զրարի խրատն և զիմաստութեանն ուսումն դիր ի վերայ մատանէհար, որ այլ պիղծ և վաթտար իրք չկերպարանի ի միտքն: Տղայի միտքն որպէս յստակ ակն է աղբիւր ջրոյ, մի թողութ, որ կամ ճապագի և ցամաքի, կամ դառն և աղտաղտուկ ատար ջուր ի ներս մտանէ և խառնի...»³²: Ինքնին հասկանալի է, որ նման գնահատականը ամբողջովին ուղղված է բնածին գաղափարների, բնածին բարոյական հատկանիշների մասին ուսմունքի դեմ: Այսպիսի մոտեցումը Երզնկացու մոտ առաջին պլանի վրա է քաշում դաստիարակութեան հարցը: «Վասն

²⁷ Նորին Բոնաննէս վարդապետ Երզնկայեցոյ ի տօնի ծննդեան և մկրտութեան Քրիստոսի. Մատենադարան, ձեռ. 2173, էջ 70ր:

²⁸ Ի ճՈ (140) սագմոսն Բոնաննէսի Երզնկայեցոյ ասացեալ. Մատենադարան, ձեռ. 2173, էջ 1ա—ր:

²⁹ Նորին Բոնաննէս վարդապետի Երզնկայեցոյ ի ժամ սուրբ պատարագին ասացեալ. Մատենադարան, ձեռ. 2173, էջ 57ր:

³⁰ Նույն տեղում:

³¹ Մանման և կանոնք մխարանութեան եղբարց. Մատենադարան, ձեռ. 2173, էջ 258ա:

³² Նուստ վարդապետի Բոնաննէս Երզնկայեցոյ խրատ հասարակաց բրիտաննէից: Մատենադարան, ձեռ. 2124, էջ 236ա:

որոյ պարտ է մինչդեռ տղայն է իձում տանիլ և ի բարին վարժել³³ — ասում է Երզնկացին: Կաստիրակութիւնը, ըստ Երզնկացու, անհրաժեշտ է մանուկ հասակից սկսել նաև այն պատճառով, որ «մանկական հասակին ոչ տայ թոյլ սրտաբա ընդ զգայութիւնս ցնդիլ մտացն, այլ յրպէս ի մամուլս խելամտութեամբ մեծաւ լումենայն կողմանցն յուսմանս իմաստութեան շարապնդել, մինչ զի բնաւորապէս բնտանասցի իմաստութեանն հանճարոյ, և ընդ ածել մանկական տիոցն՝ աճեալի ընդ նմա և մտաւորական զարուսթիւն իմաստիցն»³⁴:

Այս դատողութիւնների մեջ զբնութագրում են Երզնկացու նաև մանկավարժական հայացքները: Նա, իրոք, եղել է իր ժամանակի աչքի ընկնող մանկավարժներից մեկը, որը, մանկավարժական պրակտիկ գործունեութեանը զուգահեռ, տեսականորեն մշակել է մանուկ սերնդի դաստիարակութեան բավական համակողմանի սկզբունքներ, որոնք կարող են առանձին և մասնագիտական հետազոտութեան:

Ճանաչողութեան ասպեկտով վերը բերած մտքերը նշանակալից են նրանով, որ այնտեղ նշվում են սենսուալիստական ճանաչողութեան էական մոմենտները, և ընդգծվում է այն միտքը, որ աշխարհի մասին մարդու կողմից գիտելիքների ձեռք բերումը աստիճանական պրոցես է:

Հինգ զգայարանները, ասում է Երզնկացին, լրիվ բավական են աշխարհի բոլոր իրողութիւնների մասին լրիվ գաղափար կազմելու համար, բրանցից ոմանք բնկալվում են աչքով, ոմանք շոշափելիքով, ոմանք ճաշակելիքով և այլն: Արտաքին աշխարհում չկա որևէ բան, որը չընկալվի զգայարանների կողմից: Չնայած այն բանին, որ Երզնկացու մոտ այս միտքն արտահայտվում է կրօնական թաղանթով՝ զրա պատճառը միջնադարյան փիլիսոփան տեսնում է աստծո կողմից աշխարհի ստեղծագործութեան մեջ, այսուհանդերձ, այս միտքը իր էութեամբ բացահայտում է Երզնկացու սենսուալիստական իմացարանութեան մատերիալիստական բովանդակութիւնը: Երզնկացին գրում է. «Համենայն իրողութիւն աշխարհի համառատեալ հաւաքեաց արարիչն ի հինգ, ըստ զգայարանաց չափոյ, զի կամ զուսթիւն է շաշափելի և թանձրատեսակ էութիւն, որ ձեռաւր շաշափի և կամ պատահմունք զունոց զանապան և զեղեյկանկար երանգաւր, որ աչաց տեսանի և կամ հնչմունք ձայնից յօղաւորական և անյաւղաւոր կենդանեաց և անշունչ և անկենդան նիւթոց, որ ականջաց լսի, և կամ համոյ և ճաշակաց որակք, որ բերանով ճանաչին և կամ բուրմունք հոտոց, որ բորնկամբ հոտոտին: Այ ոչինչ է յամենայն մասունս արարածոց, որ հնդիցս այսոցիկ արտաբոյ գտանի»³⁵: Մի այլ աշխատութեան մեջ Երզնկացին կրկին հաստատում է իր այս միտքը, գրելով, «Զինչ որ աշխարհս կայ, որ մարդն վայելէ հինգ իրք է, կամ զոյն է, զոր աչօրն տեսանէ, կամ ձայն է, որ ականջօրն լսէ, կամ համն է, որ բերանովն առնու, և պինդն, զկակուղն, զծանրն և զմլթիւնն ձեռքն իմանայ և հոտ իրացն թիթն առնու: Այ այս հինգ իրացս ի զատ երբ մի չկայ»³⁶:

³³ Այսին տեղում:

³⁴ Իրոքն Երզնկացու Երզնկացոյ ի ՄԻ սագմունս, Մատենադարան, ձեռ. 2173, էջ 182բ:

³⁵ Ի ձեռ սասմունս, Մատենադարան, ձեռ. 2173, էջ 1բ (ընդգծումս մերն է):

³⁶ Երաւ հոգեչափ և բան օգտակար Գրուց Երզնկացու վարդապետէ ասացեալ, Մատենադարան, ձեռ. 2939, էջ 286ա (ընդգծումս մերն է): Այս միտքս փոքր տարբերութեամբ վաճառելով կրկնվում է Երզնկացու նաև ուրիշ աշխատութիւններում:

Որդնկացին գտնում է, որ զգայարաններից ամենակատարյալը, ամենանորրը աչքն է: Խոսելով այն մասին, թե ինչու մարդ կայծակն ավելի շուտ է տեսնում, քան որոտի ձայնը լսում, թեպետև վերջինս ժամանակի տեսակետից առաջնային է, Որդնկացին գրում է. «Յառաջ որոտն է և ապա կայծակն, բայց մեր յառաջ զհրոյ լոյսն տեսանեմք և ապա զորոտն լսեմք, զի ակն սուր է քան զականջն և ակն զհեռուն տեսանէ և ականջն զմօտն լսէ: Վասն այնորիկ զլոյսն ի հեռուն տեսանեմք և յորժամ ձայնն ի վայր հասանի և մօտի ի մեզ, ապա ականջն լսէ»³⁷: Այս մտմենտը, սակայն, հիմք չի հանդիսացել Որդնկացու համար դերադնահատել զգայարաններից աչքի դերը ի հաշիվ մյուսների:

Որդնկացին զգայարանները նմանեցնում է նվազարանի, որը լուում է, եթե նրա վրա նվազող շկա, այսինքն՝ եթե զգայարանները արտաքին աշխարհից տպավորություններ չեն ստանում, ապա նրանք ճանաչողության պրոցեսում չեն կարող կատարել այն գերը, որն ընկնում է նրանց վրա: «Զգայարանը որպէս նուազարան, յորժամ ոչ իցէ հարկանող՝ խափանեալ լռեալ կան»³⁸. — գրում է Որդնկացին: 13-րդ դարի հայ բնագետ-փիլիսոփա Հովհաննես Պլուզի այս մտքի արժեքը նրա մասին մեր արվելիք դատողություններից շատ ավելի լավ կգնահատվի, եթե մենք հիշենք, որ համանման միտք է արտահայտել նաև 18-րդ դարի խոշոր մտածող մատերիալիստ-սենսուալիստ Դենի Դիդրոն, և որ հետագայում լենինը, նորագույն սուբյեկտիվ-իզեալիստական ուղղությունները քննադատելիս, հիշել է Դիդրոյի այդ միտքը և բաղվածարար ընդել իր «Մատերիալիզմ և էմպիրիոկրիտիցիզմ» աշխատության մեջ: Ահա Դիդրոյի միտքը. «Մենք գործիքներ ենք՝ օժտված զգայելու ունակությամբ և հիշողությամբ: Մեր զգայարանները ստեղծեն են, որոնց խփում է մեզ շրջապատող բնությունը և որոնք հաճախ իրենք իրենց են խփում. ահա, իմ կարծիքով, այն ամենը, ինչ որ տեղի է ունենում ինձ և ինձ նման կազմակերպված դաշնամուրում»³⁹:

Երզնկացու իմացության թեորիան չի մնում կանգնած, սակայն, սոսկ էմպիրիզմի, զգայական ընկալման աստիճանում: Զգայական ընկալումը իմացության միայն առաջին, ճիշտ է շատ կարևոր, բայց ստորին աստիճանն է: Ընդառնադրությունը տեղի է ունենում մտքի, բանականության միջոցով: Սոսկ զգայարանների միջոցով հնարավոր չէ թափանցել առարկաների և երևույթների էության մեջ և գաղափար կազմել այնպիսի երևույթների մասին, որոնք գտնվում են զգայարար ընկալողից մեծ հեռավորության վրա: «Մեր զգայարանը քան զհինգ կամ զտաս փարսախս անլի շտեսնու. — գրում է Երզնկացին, — ապա հայտ է, որ խելացն ֆրբելովն (մտածելով-խորհելով — Գ. Ե.) գտանի ֆալարն (այստեղ՝ երկինք — Գ. Գ.), որ է իմացականին և ոչ զգայարանոք»⁴⁰: Այսինքն՝ մեր հեղինակն ուզում է ասել, թե երկնային մարմինների մասին մեր գիտելիքները հիմնվում են բանականության վրա, որովհետև տվյալ դեպքում զգայական ընկալումը չի կարող ճիշտ տեղեկություն տալ իրերի և երևույթների մասին:

³⁷ Տեսրակ համաստ և լի իմաստնախոհ բանիք, էջ 30:

³⁸ Նորին Յոհաննեսի վտան ննջեցելոց ի ֆրիստոսի և խորհուրդ ստեղծման մարդոյն և մահու, Մատենադարան, ձեռ. 2173, էջ 313ր:

³⁹ Վ. Ի. Լենին, Երկեր, 5. 14, Երևան, 1950, էջ 31:

⁴⁰ Ի տաճկաց իմաստասիրաց գրոց բաղեալ բանք Յոհաննես Երզնկացին, Բանբեր Մատենադարանի, 1938, № 4, էջ 303:

Միտքը քննադատարար է ընդունում զգայությունների տվյալները: Եթե ճանաչողության պրոցեսը կանգ առնի միայն զգայական ընկալման աստիճանի վրա, ապա մենք կարող ենք սխալ պատկերացում կազմել աշխարհի առարկաների ու երևույթների մասին: Որինակ՝ մենք պետք է համաձայնվենք այն բանի՝ հետո, որ արեգակը և երկնային մյուս լուսատուները շատ ու շատ անգամ ավելի փոքր են, քան մեր հողագունդը, որ ջրի հայելվում բեկրեկվող մեր պատկերը իրոք այդպիսին է իրականում և այլն:

Երզնկացին մարդու մարմինը նմանեցնում է հինգ դարպաս ունեցող պարսպապատ քաղաքի, որում նստած է դատավոր միտքը: «Այսպես տես մարդու մարմինն, որպես քաղաք մի պարսպակալ և հինգ դուռն ի վերայ: Նախ դուռն աչքն է, երկրորդ դուռն ականջն է, երրորդ դուռն բերանն է, չորրորդ դուռն քիթն է, հինգերորդ դուռն ձեռքն է: Ամենայն շար և բարի այս հինգ դուռովս ի ներս մտան է և ելան է: Եւ հոգին բնակիչ է այս քաղաքիս և բարի գործքն դանձ է հոգոյն և միտքն դատաւոր է այս քաղաքիս»⁴¹:

Այս նշանակում է, որ միտքը բացարձակ վստահություն չի ցուցաբերում զգայարանների տվյալների նկատմամբ, քննարար է մոտենում դրանց, հանդես է գալիս դատավորի դերում՝ իր վճիռը կայացնում զգայարանների տված նյութը քննարար գնահատելուց հետո:

Միտքը, բնկալելով արտաքին աշխարհից զգայարանների միջոցով առատապես ներս թափանցող տվյալները, դրանց «ներտրամադրական» մշակման հիման վրա է դատողություններ անում: «Առատապես հոսին գետաւրն զնաջիւր իրր ի ծով մեծ՝ յանմարմին մտացն յընդարձակութիւն և ի նման է դարձեալ յսոսջ գան ներտրամադրական և արտարերական բանիւք»⁴²:

Անդրադառնալով հարցի ֆիզիոլոգիական կողմին, Երզնկացին գրում է. «Եւ է տեղի բանականին ուղեղ գլխոյն, որ յերիս բաժանի փորուածս, առաջին է տեսողականն, որ է զօրութիւն անբանութեան անձին ի ձեռն ըզգայարանացն ի Պերզործել առ զգալին և կամ կրել ի զգալեացն: Իսկ միջին սորա՝ խելապատակն, որ է իմացողականն, որ ընդունելով ի տեսողականէն դատել քննութեամբ և հաւանի իրին և ապա զի բաց փախչելն կամ ի վերադիմելն առնէ: Եւ երրորդ սորա յետուստ կուտէ յիշողականն»⁴³: Բանականության տեղը ուղեղում գտնվում է միջին մասում՝ «Եւ այդ է տեղի բանականին միջինն սորա փորուած»⁴⁴: Իրի ճանաչման պրոցեսը տեղի է ունենում հետևյալ կերպ. «տեսողականն աւանդէ իմացողականին զտեսեալն, իսկ իմացողականն, որ է խոհեցողականն ասի՝ յինքն առեալ և դատեալ առաքել առ յիշողականն»⁴⁵:

Չափազանց ուշադրով է Երզնկացու հետևյալ միտքը, որը հիշեցնում է Մարքսի համանման ասույթը: Երզնկացին գրում է. «Որք գտաճարս զեղեցկաշէն հանդերձեալ են կազմել՝ նախ խորհին մտածութեամբ զձև և զօրինակ շի-

⁴¹ Խրատ հոգեւան և բան օղակար Գլուղ հովհաննէս վարդապետէ ասացեալ. Մատենադարան, ձեռ. 2030, էջ 266ա:

⁴² Ի ռե սագմոսն. Մատենադարան, ձեռ. 2173, էջ 1բ:

⁴³ Ի բան մարգարէին Դաւթի. Մբանչելի եղև դիտութիւն քո յիս. Մատենադարան, ձեռ. 2173, էջ 106բ:

⁴⁴ Նույն տեսում:

⁴⁵ Նույն տեղում:

նուածոյն և ապա խօսին ընդ գործակիցս ճարտարութեան արուեստին և ապա գործով կատարեն, զոր խորհեցաւ և խօսեցաւ»⁴⁵:

Բանականությունը, ըստ Երզնկացու, ունի արտահայտման երեք ձև՝ աստվածային, հրեշտակային և մարդկային: «Սրիս բաժանի բանական բնութեանս սեռք՝ յաստուածային, ի հրեշտակականն և ի մարդկայինն»⁴⁷: Բանականության այս տեսակները, շարունակում է Երզնկացին, տարբերվում են իրարից: Առաջինը ամենաբարձրագույն տեսակն է և նրանից են սկիզբ առնում հաջորդ տեսակները: Բանականության այս տեսակը գիտելիքներն ինքն իր մեջ ունի: Նրա համար գիտելիքները ստացական, ու ձեռք բերովի չեն, այլ պարզապես իմանալի են, բնածին կերպով գտնվում են նրա մեջ: Երկրորդ տեսակի՝ հրեշտակային բանականությունը ստացական է, սակայն սրա գիտելիքները ևս զգայությամբ ու փորձով չեն ձեռք բերվում: Միանգամայն այլ բնույթ ունի բանականության երրորդ տեսակը: Այն աստվածային շնորհ լինելով, իմացության է հասնում զգայական ընկալման ճանապարհով: Զետեղված լինելով մարդու մեջ, նա մարդու նյութական մարմնի օգնությամբ զգայարանների միջոցով կարողանում է իմանալ արտաքին նյութական աշխարհի առարկաների մասին: Միաժամանակ բանականությունը ինքր լինելով աննյութ, կարողանում է նաև հասու լինել իմանալի աշխարհի մասին: Այսպիսին է Երզնկացու պատկերացումը: Այս դատողությունների մեջ արտացոլվում են միջնադարյան մտածելակերպին բնորոշ սահմանափակությունները:

Երզնկացին գտնում է, որ ճշմարտությունը սահմանվում է չորս ձևով՝ «խելագն իմացմամբ», բացատրում է նա, երբ ասում ենք, օրինակ, թե քսան անգամ հինգը հավասար է հարյուրի, կամ երբ ասում ենք, թե «արեգակն լուսաւոր է» և այլն: Փորձով սահմանված ճշմարտությունների չորսհատկությունն այն է, ասում է Երզնկացին, որ այդպիսի ճշմարտությունները «բնութեամբ» են և ոչ թե «պատահամբ», այսինքն՝ մարդ գիտե, որ միևնույն պայմաններում նրանք պետք է նույնությամբ կրկնվեն, ինչպես, օրինակ, փորձով հայտնի է, որ Սակամոնր բուժիչ խոտ է, Ղարիկոնր ծառի վրա բուսնող սունկ է և այլն: Զգայությամբ ճշմարտությունները ձեռք են բերվում մարդու մարմնի և զգայարանների վրա առարկաների ներգործությամբ, այսպես՝ կրակի այրելով իմանում ենք, որ այն տաք է, թրի կտրելով՝ որ այն սուր է, տեսնելով իմանում ենք ցերեկվա և գիշերվա, լայնության և խորության և այլնի մասին: Հավատով սահմանվում են այնպիսի ճշմարտություններ՝ «որպես շինուածք Երուսաղէմի և կամ մարգարէիցն և թագաւորացն թուականքն և սոցին նմանեաց»⁴⁹: Այս շորրորդ ձևը, ինչպես տեսնում ենք, զբաղվում է ոչ թե բնական, այլ կրոնական բնույթի ճշմարտություններ սահմանելու հարցով: Այս վերջինս տուրք է աստվածաբանությանը:

Երզնկացու այս դատողությունները, որոնք արտահայտվել են նրա

⁴⁵ Նորին Բոհաննէս վարդապետի Երզնկայեցոյ ի մեծի ուրբաթին ի խորհուրդ խելութեանն, Մատենադարան, ձեռ. 2173, էջ 135ա-135բ:

⁴⁶ Նորին Բոհաննէսի վասն ննջեցելոց ի Քրիստոսի և խորհուրդ ստեղծման մարդոյն և մահու, Մատենադարան, ձեռ. 2173, էջ 322բ:

⁴⁷ Ի տաճկաց իմաստասիրաց զրոց բաղիւլ բանը Բոհաննէս Երզնկացիք, Իանրեր Մատենադարանի, 1958, № 4, էջ 303:

⁴⁸ Նույն տեղում:

տաճկաց իմաստասիրաց զրոց քաղեալ բանք՝ աշխատության մեջ, հնարավորութիւնն են ընձեռում զիտական ճշմարտութիւնների սահմանման հարցում ավելի մանրամասնորեն շարադրել մեր հեղինակի հայացքները: Յացի այս, ճշմարտության սահմանման նրա բերած շորս ձևերից երեքը շղարշված են, տառապում են որոշ անորոշութեամբ և այդ իսկ պատճառով զժխարանում է հետևութիւններ անելու գործը:

Երզնկացու աշխատութիւնները նյութ են տալիս բավականաչափ որոշակիորեն շարադրելու նրա բմբոնումները զիտութիւնները զասակարգելու հիմնական սկզբունքների մասին:

Ստեղծագործութեան տեսակների հարցին անդրադառնալիս, Երզնկացին գտնում է, որ յուրաքանչյուր ստեղծագործութիւն, արվեստ նախատեսում է երեք մոմենտի առկայութիւն, նախ՝ նյութի, ապա՝ պատճառի, որը շարժում է, վերափոխում է նյութը և երրորդ՝ վերափոխելու, ստեղծագործելու հմտութիւն, ունակութիւն: Այս սիստեմը Երզնկացին տարածում է նաև զիտութեան վրա: Ամենայն արուեստը և մակացութիւնք բանաստեղծաց է ձևագործից՝ գրում է նա, — երկուսն աշտոցիկ կարօտանան պիտոյից՝ ենթակա նիթոն և զօրութիւն հանձարոյն և կատարման գործոյն⁵⁰: Կոնկրետացնելով իր այս միտքը զիտութիւնների երկու տարբեր բնագավառների՝ աստղարաշխութեան և բժշկութեան վրա, նա գրում է. «աստղարաշխական արուեստի նիւթ է՝ Լուսինն երկնային մարմնոյն և հանձար հմտութեան նորին՝ զիտել զշրջագայութեանն յեզանակ և զշարժումն ընթացից լուսաւորացն, իսկ կատարումն է՝ ոչ առնելն նման նմա, սլլ անվրէպ և անսղալ զիտութիւն նորին: նմանապէս և բժշկական արուեստ՝ նիւթ ունի զմարդկային մարմինն, զի յաղագս մարդկային մարմնոյ եղանի, և հանձար զօրութեան արուեստի սորա է՝ զիտել զխառնուածոցն առուելութիւն և նուազութիւն և ի շարժմանն, երակացն և ըստ ժամանակին և հասակին և բնութեան տեղոյն զեղս կազմել յարմարական ծաղկացն շարախառնութեամբ: Ըսկ կատարումն բժշկութեան է կամ զներկա առողջութիւնն պահել, կամ զի բաց զնացեալն վերստին զարձուցանել⁵¹»:

Գիտութիւնների այս երկու բնագավառի մասին Երզնկացու զատողութիւնից կարելի է զալ այն եզրակացութեան, թե նա զիտութիւնների բազմազանութեան մեջ: Ըստ նրա, զոյութիւն ունեն տարրեր զիտութիւններ այն բանի շնորհիվ, որ յուրաքանչյուր կոնկրետ զեպրում տարրեր է նրանց ուսումնասիրութեան առարկան, նյութը: Ուսումնասիրութեան օբյեկտ հանդիսացող բնութեան տարրեր կողմերը, տարրեր բնագավառները հիմք են հանդիսանում հենց իրենց բազմաթիւ զիտութիւնների զոյութեան: Այսպիսով, ստացվում է, որ ըստ Երզնկացու, զիտութիւնները տարրեր բնագավառների բաժանելու հիմքը օբյեկտիվ է:

Մեր նման եզրակացութիւնները խոր արմատներ ունեն Երզնկացու հայացքների սիստեմում, շեն հենվում միայն վերը բերված բաղվածքի վրա ու պատահական չեն: Երզնկացու մոտ դրանք, ըստ Լուսինյան, տրամաբանական զարգացումն են նյութի տեսակների, իմացութեան ընագավառների, ստեղծագործութեան տեսակների մասին հայացքների:

⁵⁰ Երբին սոհաննէս Երզնկայեցոյ ի ԽՅ սաղմուն հաւթի ի մեկնողաց բանից յարմարեալ: Մատենադարան, ձև. 2173, էջ 261ա:

⁵¹ նույն տեղում:

Գիտությունները ըստ օրչեկտի բնագավառների բաժանելու Երզնկացու տեսակետը իր տրադիցիան ունի՝ հայ փիլիսոփայական մտքի պատմության մեջ: Ժամանակի տեսակետից նրա առաջին արտահայտիչը եղել է Գավիթ Անհաղթը, որի հիմնական փիլիսոփայական աշխատանքներից մեկը՝ «Սահմանք իմաստութեան» մտահարուստ զործը Հայաստանում ամբողջ միջնադարի ընթացքում օգտագործվել է որպես սկզբնաղբյուր:

Հայտնի է նաև, որ միջնադարյան Հայաստանում լայն տարածում է ունեցել Գիտնխոտ Ռրակացու բերականական աշխատությունը, որը մեկնվել է մի շարք հայ հեղինակների կողմից: Հայտնի է և այն, որ այդ մեկնությունները Երզնկացին միավորել է ըստ պորբլեմների, կազմելով բերականության հայ մեկնությունների մի առանձին ձեռնարկ՝ ուսուցողական նպատակներով: Այս մեկնությունների մեջ արտահայտվում են գիտությունները ըստ առարկայի, ըստ օրչեկտիվ նյութի տարբերությունների բնագավառների, տեսակների բաժանելու սկզբունքը⁵²: Հովհաննես Երզնկացին օգտվել է այնտեղ արտահայտված տեսական-իմաստասիրական բազմաթիվ գրույթներից ու հետագայում դրանք վերարտադրել ու զարգացրել է իր ինքնուրույն աշխատության մեջ:

Երզնկացին պահանջում է թափանցել, խորանալ բնության երևույթների ու առարկաների էության մեջ, բացահայտել նրանց օրինաչափությունները: Մեր վերը բերած քաղվածքում, օրինակ, աստղագիտության բնագավառում նա պահանջում է գիտենալ «աստղարաշխականն արուեստի» նյութի էությունը, թափանցել երկնային լուսատուների շարժման օրինաչափությունների մեջ, «ստենկ անվրեպ ու անսղալ գիտութիւնս նորին»: Նույնը պահանջում է նաև բժշկությունից: Նման մտտեցումը Երզնկացու մոտ բխում է ուսումնասիրվող առարկայի օրչեկտիվ գոյության ու մարդու կողմից նրանց ճանաչման նարստությունները բնորոշելու փաստից:

Բնությունն ուսումնասիրելու, նրա զսղտնիքներին տիրապետելու պահանջը, անհրաժեշտությունը Երզնկացին հիմնավորում է միջնադարին բնորոշ աստծուն իմանալու թեզով: Ըստ Երզնկացու աստծո, նրա իմաստության, նրա ստեղծագործության մասին դատողություններ անել անհնարին է առանց համակողմանիորեն բնության էության մեջ թափանցելու: Ովքեր ցանկանում են «յաղապս աստուծոյ և աստուածային իրագործութեան խօսել» նրանց «կարի պետք են իմանալ զչափ և զկշիռ բնութեանն»⁵³ — ասում է Երզնկացին: Չնայած այս պահանջի կրոնական ձևին, այն միջնադարի պայմաններում պետք է գիտվի որպես առաջավոր երևույթ, բնագիտության զարգացմանը նպաստող հանգամանք:

Այսպիսով, Երզնկացու իմացարանական հայացքներին նվիրված սույն համառոտ շարադրանքը ցույց է տալիս, որ նրա ճանաչողության տեսությունը նրա աշխարհայացքի սխտեմում հանդիսանում է այն կարևոր մասերից մեկը, որն առավել շափով ազատ է կրոնական-թեոլոգիական դադափարարանու-

⁵² Տես նախադրութիւն բանի ի գոյց պատճառի հաւարման բերականի և աղերս խնդրոյ աշխատութիւնս Երզնկայի սպասաւորսդ ի խնդրոյ տեսան Յակոբբայ Հայոց կաթողիկոսի և վարդապետաց մերոց եզրարց, արարեալ հաւարումն բերականին մեկնութեան Երզնկայի Երզնկացոյ ուսումնականի ի գրոց. Մատենադարան, ձեռ. 2339, էջ 36ր 44ա և այլ էջեր:

⁵³ Երզնկայի վարդապետի Երզնկաց զատուի յերզնկայ բաղբէ ասացուած յատուր ձեռնդեան և մկրտութեան Քրիստոսի. Մատենադարան, ձեռ. 1147, էջ 478ա:

թյան, սխուրաստիկայի կաշկանդող կապանքներից և առատ է դիտական արժեք ունեցող մտքերով: Ընանաչողության մասին Նրզնկացու շատ մտքեր, որոնք արտացոլում են իմացության պրոցեսի այս կամ այն կարևորագույն մոմենտները, այսօր էլ չեն կորցրել իրենց թարմությունը: Դրանք վկայում են, որ ի դեմս Նրզնկացու, հայ միջնադարյան փիլիսոփայական միտքը ունեցել է իր լավագույն ներկայացուցիչներից մեկին, մի իմաստասերի, որի հիմնականում սենսուալիստական և մատերիալիստական իմացարանությունը բարձր գնահատականի արժանի ավանդ է հայ միջնադարյան մշակույթի պատմության մեջ:

Նրզնկացին 13-րդ դարի հայ փիլիսոփայությունը հարստացնելով առաջավոր գաղափարներով, նպաստել է նրա հետագա զարգացմանը, այնպիսի խոշոր իմաստասերների հրապարակ գալուն, ինչպիսիք են Հովհան Որոտնեցին՝ Դրիգոր Տաթևացին և ուրիշներ: